

EGAk C1 2026

Antolamendu arauak

**Honako arautegi hau urtean zehar moldatzen ahalko da,
antolaketa beharrek hala eskatzen badute.**

1) Deialdiak

C1 mailako Euskara Gaitasuna egiaztatzeko azterketak antolatuko dira 2026an Iparraldean; modu elektronikoan (ordenagailuz idatziz) iragaten ahalko da azterketa-gune(et)an.

C1 maila egiaztatzeko probak, deialdi irekiz, bi azterketa-alдитan izanen dira: 2026ko udaberrian eta udazkenean.

2) Nori irekiak: baldintzak

Azterketa hau, bere baitatik edo ikastetxe batean landuz euskara ongi dakien, C1 mailako (EGAk C1) gaitasun-agiria eskuratu nahi duen edozein¹ pertsonari zuzendua zaio, deialdi irekiz, 2026ko abenduaren 31n berantenez 17 urte betetzen dituen unetik; hots 2010eko urtarrilaren 1.a aitzin sortua. Salbuespen bakarra: 2010ean sortu baina 2009koen ikasgelan diren azterketariak (ikasturte bat jauzi egin dutenak).

Azterketan parte hartu ahal izateko 35 €-ko saria ordaindu beharko da, deialdi bakoitzeko. Azterketa egunean nortasun agiri bat eta izen-emate agiria aurkeztu beharko ditu azterketariak.

3) Azterketen leku-egunak

2026ko otsailean, EEPko webgunean eta hedabideen bitartez argitaratuko dira urteko Euskara Gaitasun Agirien epe eta kokaguneak.

Ahozko azterketarako ordutegi berezia behar balu azterketari batek, izena ematen duen unetik jakinarazi beharko luke, beharrezkoak diren ziurtagiriak emanez. Ahozko azterketarako ordutegi bereziaren beharra berantago jakinen balu, azterketa idatziaren egunean jakinarazi beharko luke berantenez. Ezin izanez gero, urte bereko bigarren ahozkoa zuzenean joateko baimena eskatu beharko luke.

4) Aurkezteko aukerak

Azterketari bakoitza nahi bezainbat aldiz aurkezten ahalko da azterketa bakoitzera, baina deialdi berean ezingo du maila bat baino gehiagotara aurkeztu.

5) Kopien kontsulta

Azterketa gainditu ez duen azterketari batek bere kopia kontsultatu nahi izanez gero, eskaera egin dezake. Batzorde Zientifikoak data bat finkatuko du horretarako, antolaketa-baldintzek hori baimentzen badute.

6) Baliogabetzea

Azterketa denboran tranpa egiten duen edo saiutzen den azterketaria, edo debekatuak diren lagungarriez baliatzen dena, azterketatik kanporatua izanen da eta haren azterketa baliogabetua.

Kanporatze eta baliogabetze erabakia, azterketa eguneko aztertzaile-taldearen esku izanen da.

7) Azterketaren iragan molde zehatza

Azterketa idatziaren iragan moldea: **EGAk C1 Azterketa eredua 2026** dokumentuaren arabera eginen da.

Ahozko azterketaren iragan moldea: **EGAk C1 Azterketa eredua 2026** dokumentuaren arabera eginen da.

Epaimahaiaren osaera eta antolaketari dagokionez:

- Ahozko azterketara aurkezten den orok, bi aztertzailez osatu epaimahai baten aitzinean frogatu beharko du C1 mailari dagokion euskara gaitasuna duela: ahozko adierazpen jarraikia eta elkarreragineko gaitasunak eskuratu dituela.
- Epaimahaikideetako batek (edo aldizka, nahi izanez gero) azterketaren alde teknikoak segurtatuko du (izen-deiturak eta oharrak hartzea, minutuen neurketa...), besteak azterketaria galdekatuko duen bitartean.